

【渡阿姆食飯】張美容原作

逐年差毋多會到母親節該下，斯會睺著恁樣个文章，裡肚个意思係講：「 偲俚細細該下，食飯食到滿頭滿面、歸遍爽到狼離狼犁，爺哀毋會打也毋會罵，好心好性教偲俚擎箸、收擎；學行該時，爺哀毋盼得偲俚跌倒，背痾痾牽等偲俚个手，教偲俚學打丁、學徒步，全毋驚麻煩、毋驚辛苦。這下爺哀多歲咧，手腳無恁靈通，常勻食飯時節飯糝叭叭跌¹，行路時節就踣踣跌，做子女个愛多兜耐心幫忙佢，毋好棄嫌佢、責備佢。」見睺著恁樣个文章，偲个心肝肚就有淦淦个感動，目珠眶強強紅起來。

偲姆今年九十歲咧，情形摻文章肚寫个共樣共樣。前幾年還會煮飯、畜頭牲、做靛，這兩年睺等弱漬下去，出門愛坐輪椅、食東西像委秧仔樣、摻人講話總係人講東佢應西。睺著這種情形，偲兩姊妹無麼个敢渡佢出去食飯，一方面嫌麻煩，一方面驚餐廳个頭家毋歡迎，所以逐擺渡佢出去寮，到晝斯買兜東西帶轉屋下食。

一直到有一擺，偲聽老弟講佢一儕渡阿爸、阿姆去石門水庫

寮，順續在該食晝，該日堵好拜六，餐廳人客當多。老弟輪等搵坐輪椅个阿爸、阿姆落去，偲聽著黏皮問：「 頭家會毋歡喜無？」言知，頭家娘毋單淨無嫌佢兜人少又杈人²，還一路喊大家閃開兜，留一條較闊个路分佢兜過，最感心个係，頭家娘又搵一隻窗門脣睺得著湖景个位仔分佢兜坐，偲心肝肚想，頭家娘一定係分偲老弟个孝心感動。偲知差咧，「 孝心」係美德，人睺你對爺哀恁有孝，安謐斯有，仰會博人惱！

想著頭擺摻爺哀共下出去食飯，安到陪佢兜食飯定，摻佢兜打打嘴鼓、謔哆謔哆斯做得，當自然³。這下無共樣咧，毋係陪阿姆食飯，係安到渡阿姆食飯。食飯該下，老弟驚阿姆食到滿身，摻佢个胸前圍坭帕仔；驚阿姆食忒少，密密摻佢挾菜拐佢食；又驚阿姆食湯哽著，一湯匙一湯匙慢慢飼佢；還愛一下仔一下仔摻阿姆黏在嘴角个飯菜拈忒、粹淨。睺著恁樣个情景，偲黏皮想起母親節該篇文章，無毋著，這下老弟做个，就係頭擺阿姆一一為子女做个，做子女个仰做得棄嫌爺哀！仰做得推懶！

¹ 叭叭跌：音 bad bad died；紛紛掉落。

² 杈人：音 ca' ngin；妨礙他人。

³ 當自然：音 dong' cii' rhian；很自在、舒適、輕鬆。

108 年全國語文競賽客家語朗讀文章教師組（饒平腔）

編號 02 號

【圍牆¹脣个黃梔仔²】彭瑞珠原作

學校个圍牆脣有一頭黃梔仔，分人種在小型焚化爐脣，大樹會遮著佢个東片析日頭，比人較高个圍牆又籬在佢个西片析，所以，佢个日照無盡足。好得，地泥下个泥肉貴，佢个生命力又強，佢就逐日逐等圍牆个高度緊生緊高。一陣春分个大雨過後，佢還盡命牯伸枝生葉，開出雪白个花。

「唔，還香哦，係黃梔仔！佢最中意个花。」渡學生去拚掃个佢，用手搨掃樹葉仔，頸根掇³轉黃梔仔，鼻空鼻等該花香，全無想徒步，圍牆該片還有滿天个紅霞。

第二日晨早入教室，佢會鼻空都還鼻得著該花香？啊哦，毋係佢心神，係佢事務桌頂排到淦淦个花。一來花香錫人，二來佢會愁圍牆脣該頭黃梔仔，害佢心肝嘎嘣嘣跳、嘣嘣飆。毋過，佢還係軟聲个問：「麼人呢？係麼人摘恁多花送分先生係無？」一屋間个學生仔，怕係分佢又歡喜、又愁慮个聲哨搵到哈哈大笑。

「先生，你揣啊，你揣睭啊！」

阿文？阿俐？毋係，係阿航！阿姆哀唷，係該上課尋人毋著，下課撩刁、手銃、屋下又混雜，全學校都無人奈得佢何个阿航！這擺正經死骸咧，該頭靚靚个花樹，定著就頭疤面疤，伸無半條命咧！難怪，昨晡臨暗仔阿航共樣無去拚掃，還不時在佢脣頭跳上跳下。

毋過，佢還係客氣个承蒙：「承蒙唷！」心肝肚毋放心，又試探个問佢：「你哪來恁多个香花呢？」

佢難得在教室企到正正，歡頭笑面、沙鼻攏攏个應佢：「你毋係講，你最中意這花？佢屋下當多哦！嘻嘻，佢嬾講，愛送分先生哦？去摘，去摘，煞猛摘！你還愛無？天光日，佢過摘分你！」

帶等混雜又略略仔面燒个心情，佢影過該一桌个雪白，睭向佢：「承蒙你，承蒙你送分先生，恁香个花。」該日个花香，佢永久記得，同時，也會想起圍牆脣个黃梔仔。雖然，佢兜个生存條件毋好，毋過，佢兜也有佢兜个單純雪白，還會分享花香分人。

¹ 圍牆：音 vui ciong；圍牆。

² 黃梔仔：音 vong gi' er'；梔子。

³ 掇：音 ngau'；折、轉。

【幸福】李幸妃原作

麼个係幸福？仰般正算係有福氣？你識感覺著幸福無？

佢記得有人恁樣講過：「假使你有一隻蘋果，佢也有一隻蘋果，佢相換這兜蘋果，恁樣各儕還係正有一隻蘋果。毋過，假使你有一種想法，佢也有一種想法，佢俚互相交流這兜想法，恁樣各儕个心就會有兩種無共樣个想法。」

在教學个過程裡背，當愛也當慣勢摻細子分享生活个點點滴滴，比論講：這站時間聽著个笑話、出去爽奈个時節睺著个心色事，分享讀著一本好書裡肚个一句好話，還係現時社會在該時行麼个這兜。漸漸仔，細人仔也會在下課个時節，走過來摻佢講心肝話，聽睺佢个想法，無定著會搵手著麼个，有時佢淨係做一個無聲个聽眾定！記得有一回，一個笑咪咪个細妹仔，恬恬仔行兼佢个臉身脣細細聲問講：「先生，你敢知麼个雞最遠？」佢想來想去，睺該睺這，目激激仔應講：「敢係火雞？火雞走當遠哦！」佢講：「毋著！毋著！毋係火雞，係麥克雞！因為『麥克雞塊¹！』『快』就係遠啊！著無？」聽咧兩儕笑到哈哈滾，笑到

愛攪屎肚！有影啦，細人仔个想法直接又單純！該時，佢感覺幸福就係分享。

逐擺到當晝歇暎，同事定著會留佢在學校共下食！毋過，佢總係笑笑回講：「承蒙啦！佢轉來去屋下食！佢姆會等佢轉去食！」轉屋下摻世大人共下食飯變做這幾下年來最福氣个時節。體尅个老弟無在个事實，分佢懊惱無把扼姊妹仔共下个時間，愛加關心加注意，愛加講幾下句話！屋下好點點个恬靜，正知兄弟姊妹會冤家、相爭、相罵、受氣，該量時也係一種个福氣！睺著該桌頂阿姆煮个飯菜，雖然毋係麼个山珍海味，淨係簡單个煎魚、炒薤菜摻番薯飯定，毋過食落肚屎肚，嘎係甜在心肝頭，還做得坐共下食阿姆煮个飯，該係一種福氣个味緒！

佢對幸福个想法，跔等歲數緊大緊改變，跔等經歷个事情越多越珍惜。佢愛个幸福當簡單。逐日晨早目珠擘金，睺著日頭對窗門晟入來，日頭絲走入來摻佢講恁早；啟一下大氣，感覺著還在生个歡喜；圍牆脣該頭木棉樹，柑仔色个花蕊跌落泥下，就像摻大地鋪一領柑色地毯，該落花有落花个靚；臥頭睺天，雲在走相逐、鳥在份園尋，感覺著世界在停動个節奏。幸福愛用心去體會，用心去感受，心肝肚有愛、還有感恩个心，幸福就係恁簡單。其實做一個知足感恩个人，逐日就會係福氣快活个，都做得享受著福氣个好味緒！

¹ 麥克雞塊：音 mag kied` gie` kuai`；麥克雞塊，諧音麥克雞快。

【你个抑係偈个】劉玉蕉原作

人在世間，短短幾十年，萬事萬物，時時變，日日換款，麼个係你个？哪兜係偈个？等你雙手一放，氣脈一絕，做下係天公个，該兜你捨毋得，之前嘴項輒輒講个「偈」，到這下做下變做「曾經」，像雲，像煙，過忒斯無留半屑蹤跡咧。

該日，載阿嫂去山頂避暑，車行過該片，偈識喊佢安到「偈个山」个山林，遠遠眺望，大樹還係高天天，青葉榮榮，哪係柿樹？哪係梅？目珠一瞞斯打濛沙咧！單淨知講，這下該草竇園得老虎核。阿嫂問：「愛落去睭睭、遠遠仔無？」偈應佢：「傷心所在，莫睭有較贏！」話出一半，車肚个空氣一下斯凝凍¹咧！車緊行，兩儕恬恬，想个係共條事，想个係像煙、像雲个「偈个」。

家官好種蘭花，傳到老公共樣恁好，平常時除忒上班，摸花、顧花个時間占忒大半，長著錢咧，心心念念斯想買一埕地來搭花園。田地、山林、沙埔遠忒好多所在，臨尾，相準天冷个好地理，陽面山連等鋪平个旱地，盡錫人个係合界該條坑，清清个坑水長年流無停，白鶴花像排列樣，企在兩片脣，開花時節斯像

白色个蝶仔，停在坑脣葉面，風一吹，撲啊撲，斯撲到人个心肝肚去咧，淡淡个花香，撩人鼻空，像爽园人尋个細孺仔²樣，無注意著咧斯揸你一下，分人有期望、有歡喜。

寮日，偈歸屋人打早斯出門，食个、爽个、做事个工具款款擎，一臺車斯堵好尖滄滄，準遶山花樣，定定駛上山。山風涼涼，坑水清清，細人摻老公搵手撈泥結礮，想做細陂塘來畜魚，汗流罅咧，斯係佢三兄弟个爽寮時間，捉魚爽水，打草蝨、攀籬懸壁……，爽到貶轉來。橋下个大石牯係偈个洗衫枋，鞋一脫，屎肫一頓，斯真有樣哩啲，衫褲个啊个，分人想著頭擺老屋後背該條大水溝，水共樣恁清恁淨，个衫褲个動作也共樣無變，單單細手變大手，偈既經係三個細人个阿姆咧！

好光景過無兩年，柱樁淋棚正搵好，壞咧！921 大地動一搖，崩崗敲切，走山走到無款，先前最錫人个山坑水，一起惹面斯麼人都毋識咧，細坑變做大溪壩，播播滾拚往下个山坑水，將歸隻旱地切忒兩股，單淨伸著澄澄个山林，還過山下一條車路，白鶴花該迎等風，展開開个笑容呢？無咧！細人、大人用汗水換來个陂塘、花園呢？跔水走咧！一屋人該量時留在山林肚个笑聲，隨等風，颯～颯～颯，遮蔭个大樹知得，偈這兜「識」在這位歡喜停跔。

麼个係你个？重要無？水一沖、火一燒，做下變做記憶，你抓捉著麼个，無啊！

¹ 凝凍：音 kien dung`；凝結。

² 細孺仔：音 se`o er`；小孩的暱稱。

108 年全國語文競賽客家語朗讀文章教師組（饒平腔）

編號 05 號

【蓮霧樹下個花園】羅紫云原作

俚屋下個屋側角，有一叢蓮霧樹，有三十零歲咧，樹身當旺，有青青綠綠個樹葉，逐年舊曆五月左右就會開花，但係，毋識打有蓮霧好食，實在奇怪，鄰舍講佢係半公嫵，會開花毋會結子。雖然無收成，毋過蓮霧樹就像一支大青遮仔，樹下涼蔭蔭，係一隻盡靚盡好奈涼個位所哦！

俚在該頭蓮霧樹下，種有當多種花草，有好陰涼毋好炙日頭，無愛忒多水分個「多肉植物」，像油蔥、佛珠、白牡丹、水芙蓉、海芋、藤類這兜，有個懸在樹極頂，有個跔等樹頭下排做一隻圓圈。係愛浴水、需要日頭炙、會開花個花種，像大紅花、喇叭花、打碗花、蘭花、玫瑰花、頂中仔（宜梧）、清明草、繡球花、蓮花、芙蓉、蓮蕉花這兜，就排到外圍做第二隻圓圈，有兜俚知名仔，有兜佢毋識俚，總講一年四季有無共樣個花開，分人欣賞睭靚。

這隻同心圓個花園，係俚個好朋友，該毋單淨係花園定定哦！乜係一隻細細隻個動物園，有鳥仔、蚊仔、蝶仔、蜂仔、囊蜆仔、蟾蜍、蛎仔，還有逐日晨早暗晡，都愛撮一撮飼料供佢

個——魚仔摺田螺。魚仔、田螺畜在蓮花鉢肚，佢兜個群組就係這下當流行、時尚個「魚菜共生」，魚仔食蚊仔，田螺食垃圾，淨化水質，蓮花個養分就係對魚仔摺田螺來，係當環保個方式哦！

屋下事做忒，一下有閒，就會去花園，擲草、捉蟲仔、浴水、賞花、睭魚仔，摺該兜花花草草講話，摸摸搥搥，這係俚逐日歡喜甘願愛做個快樂頭路，不管發風落雨，都一定會去遶遶睭個位所，尤其係兜一張凳仔坐等睭魚仔，睭該魚仔屎拙扭啊扭，無愁無慮，自由自在，樂線樂線個樣仔。俚個心就開，天轉笠婆花，一身個疲勞乜就消除忒咧～。

成下還會帶鄰舍、朋友共下來參觀俚個花園，坐寮打嘴鼓，共同研究推廣「魚菜共生」個做法哦。人多意見多想法乜多，俚接受大家建議，慢慢規畫、改進，加幾隻醃缸做第三同心圓，醃缸肚畜福壽鯽，面頂種青菜、瓠瓜，有人客來，菜就便便咧！雖然這花園細細，毋過這下變到當齊全當靚咧。

108 年全國語文競賽客家語朗讀文章教師組（饒平腔）

編號 06 號

【毋會肚枵个阿姆】曾菁怡原作

睺著歸桌錫人个料理，炒肉、爇肉、豬腸炒薑絲、肥湯炆筍乾，還有佢最好食个菜脯卵，該香噴噴个味緒斯分人口涎水落落跌咧。

「阿姆，遽遽來食哦！」佢忍毋核先拈一坵炒肉放入嘴項。

「你兜先食，佢還毋會肚枵。」阿姆還在燒呵呵个灶下無閒泊杈。阿姆个手路異好，歸桌个飯菜黏時就分佢兜食到淨淨。

食飽飯，阿姆總會切一盤果子分大家食。

「阿姆，共下來食啊？」佢喊等行往出个阿姆。

「你兜先食，佢還飽餬餬欸。」阿姆笑笑仔應佢。

逐擺就恁樣，係有煎魚仔，阿姆都會講：「佢好吮魚頭腦髓，該好。」係有雞肉，阿姆又係講：「佢好食雞爪，該留分佢就好。」係有雞卵糕，阿姆又會講：「佢毋好食甜，你兜食就好。」阿姆總係食恁少，從細，佢毋識聽佢喊過肚枵。

逐擺有錫人个好料，阿姆輒常就講：「你兜先食，佢還毋會肚枵。」無就係講佢食無恁多，喊佢兜煞煞食忒，毋使留分佢。佢兜乜正經戇戇仔相信阿姆食毋落，自家煞猛食到肚臃臃。

等到自家做哀，俵仔、妹仔講愛食麼个，佢就盡命牯變出來；人講哪位有好食个，佢就趑趑走去買轉來分佢兜享用。心肝肚總係掛念俵仔、妹仔愛食麼个？敢有食飽？會肚枵無？睺著佢兜食到笑咪咪个樣仔，佢就感覺心滿意足，肚屎飽咧。原來，毋會肚枵个阿姆係因為子女滿足个笑容，係因為對子女个疾惜，係恁樣醞釀个親情啊！

想著阿姆頭過總係坐在脣項，睺佢兜像八爪魚樣將飯菜划到淨淨；想著阿姆逐擺對市場轉來總係攞等佢兜最好食个零嗒，自家嘎無麼个食；想著阿姆切好歸盤个果子，自家罕得拈一析來食，佢个鼻空忽然間感覺一陣酸楚，目珠矇矇咧，阿姆毋識講佢有幾惜佢兜，但係佢个行動既經表達最偉大个母愛咧。

今這下，阿姆个牙齒無好，背囊痠痠，動作也較慢板咧，佢還係習慣坐在脣頭，溫柔講：「你兜先食，佢還毋會肚枵。」佢心肝肚幾毋盼得，阿姆到老還係驚佢兜食毋飽、毋罅食。

好得，佢毋會過戇戇相信阿姆食毋落咧，佢拉等阿姆个手坐兼來，摺佢講：「阿姆，佢愛共下食正會有好味緒哦！」

108 年全國語文競賽客家語朗讀文章教師組（饒平腔）

編號 07 號

【尋轉火焰蟲】廖惠貞原作

講著火焰蟲，就會想到頭擺，該係童年最靚个回憶。

還細時節阿嬤輒常會帶等細人仔唸：「火焰蟲，唧唧蟲，楊梅樹下懸燈籠，燈籠光，照四方，燈籠暗……」暗晡頭，伙房屋个細人仔洗好浴腳，就兜等細凳仔插草蓆到大坪下，又爽又唱童謠。有時阿嬤阿太剝地豆，佢兜提地豆莢夾耳空，做耳環戴。

細舅會帶等一群細人仔走到菜園田脣，摺一瞞一瞞¹个火焰蟲爽，阿嬤就會拉聲頰喊：「外背暗摸胥疏²，遽遽轉來哪！莫弄火焰蟲啦！佢七係一條命！」一群人走轉大坪下，爽踢銅笏，爽園人尋。火焰蟲也會飛到大坪下！較細个細人仔會睡到草蓆頂唸「月光華華，細妹煮茶……」算天頂淦淦个星仔，足相³个叔婆太又喊：「毋好指月光！會分佢割耳空！」

到臺北讀書，好朋友戴在大溪烏嘴山頂。生物先生識帶等佢兜翻兩座山去採集。山頂無拉電，伯姆還點等蠟燭煮飯，暗晡頭也點等蠟燭討論，火焰蟲飛入廳下來鬥鬧熱。先生講「山頂無電

無光害，火焰蟲正做得生存！」有一擺摺朋友興蹠蹠⁴去山頂尋佢，嘎無堵著，毋過嘎分臨暗仔滿山滿谷个火焰蟲著驚著了，正經「滿山塘樹邊，飛光千千點」个樣仔，一大片金金像天頂个星仔跌下來；又像樹頂開咧一蕊蕊金金个花。兩儕睭到呆忒⁵，行這輪正經值！

識摺小朋友講起「火焰蟲」，異多人無睭過，講著《火焰蟲个塚埔》就知咧，這係日本宮崎駿先生个動畫，14 歲个阿哥摺 4 歲个老妹在美國空襲時失忒阿姆，兩兄妹去靠親戚，包尾戴在山窿生活當苦，毋過暗晡頭做得睭漫天飛舞个火焰蟲。老妹因為營養毋罈死忒咧，當衰過⁶喔！也識聽朋友講到澳洲參觀峽谷底个火焰蟲，坐細船時不准人發出聲哨，也做毋得翕相⁷。臥頭⁸睭往上，有千無萬个火焰蟲密密停在嶺頂頂，像歸片个寶石發光，儕儕都睭到嘴擘擘。朋友對佢兜用心愛惜火焰蟲个心當感動！

盡久無睭著火焰蟲咧，頭擺莊下暗晡頭一瞞一瞞个身影，幾時過正有？大溪、澳洲、《火焰蟲个塚埔》个火焰蟲帶來歡喜摺辛酸。佢最懷念个還係田寮莊下，竹籬圳溝脣个火焰蟲，哪量時做得尋轉火焰蟲，尋轉無愁無慮个童年。

¹ 一瞞一瞞：音 rhid`ngiab`rhid`ngiab`；一閃一閃。

² 暗摸胥疏：音 am`mo`si so；很暗。

³ 寡鬼足相：音 gua`gui`ziug`siong`；指人性情不穩，易怒、孤僻、反應過當，意同孤老。

⁴ 興蹠蹠：音 him`dia`dia`；興沖沖。

⁵ 呆忒：音 ngoi ted`；發愣。

⁶ 衰過：音 cai`go`；可憐。

⁷ 翕相：音 hib`siong`；照相。

⁸ 臥頭：音 ngo`teu；抬頭。

【雞肉菇】張捷明原作

「啊！雞肉菇耶！俚來擲。」

「毋使恁鬥緊！等佢大，轉晝¹正來擲。」

山肚有當多好食个東西，毋過唯獨有一樣淨山肚人享受過，街路人毋單淨想食買無，係根本就毋知有這樣好東西，這就係雞肉菇。山肚人有畜雞仔，毋過無年無節無劇雞，雞肉菇就係平常做得食著个免費雞肉。

係講松露係法國人「灶下个鑽石」，該雞肉菇就係山肚人个「桌心²」，這係最珍貴个一齣菜，正經个山珍。

雞肉菇有兩種，一種係大蕊个，一搭正生著一頭，像係單丁子。另一種係細細蕊一生就一大畚拉，像歸家人共下幾下十蕊，安到姊妹菇。兩種各有特色，共樣恁難尋、共樣恁好食。

雞肉菇生在竹園肚、樹園肚、草頭下，睺著這種上天賜分俚兜山肚人个美食就像著著獎³，該係運氣，跔跔去尋乜尋毋著。毋過，毋係見樹園就有，還愛赴時赴刻睺天時。燒暖个天時合落過雨水正會生，上半晝前就鑽出泥面、臨晝仔開始開弓，像一隻歸

身牙白色个細遮仔，到下晝一兩點就開始過潦⁴，所以，最好个採收期係臨晝仔，忒早無額，忒晝又過潦。

所以，這種山珍做毋得放久，斯有擲著萋萋提來炒菜合味⁵，尤其係焗竹筍湯，又嫩又滑又清甜，愛當日享受，無辦法保留隔餐、隔日。

俚認識一個農務局个雞肉菇專家宋先生，佢講這係現代科技無辦法用人工培養个菇種，因為該愛有幾下種要緊个條件共下撿齊，第一係地泥下一公尺愛有白蟻竇，第二該位愛有菇菌，第三有咧白蟻竇摻菇菌，還愛有一種微生物做媒，再來愛氣候溫度摻堵好个水氣，這兜條件人工還無辦法解決，所以，還係淨有山肚人獨享。

還有一隻問題，恁軟恁滑个雞肉菇，愛仰般從恁硬地泥下一公尺鑽上地面呢？原來菇頂尖頭有一砵比鑽石還較硬——幼幼个生長點負責鑽泥。

雞肉菇做麼个會安到雞肉菇，當然係又嫩又滑又清甜，菇頂比雞髀還較好食。還有一樣係雞肉菇个菇柄，菇柄其實無菇遮恁滑，毋過菇柄擘開後係一絲絲个肉絲，食起來正經像麥當勞个雞肉絲。

俚後生在山頂該時節，食過當多雞肉菇，所以，當懷念這山珍土產，見擺轉山肚就會尋，毋過，毋知係毋係這下酸雨忒多造成生態破壞，連留在山肚个朋友都講當久無食著哩！

¹ 轉晝：音 zhan` zhiu`；中午回家吃中餐。

² 桌心：音 zog` sim`；桌上放在中央，最珍貴的一道菜。

³ 著著獎：音 chog do` ziong`；中了獎。

⁴ 過潦：潦：音 lau；過熟酸化。菌傘下方開始褐色敗壞。

⁵ 合味：音 gab` mui`；調味。

【桂花香】邱坤玉原作

人企得正，得人惜；花開得香，過得人愛！毋過「樹愛軟枝，人愛硬程」正有德行！

阿爸最好桂花。在美濃老屋个門口種有一頭桂花樹。該桂花淨一枝梗，透路生到像佢恁高，歸枝樹梗企到壁澄¹，梗頭截怕有佢个腳囊肚²恁大箍³。

聽講枝骨企到澄澄个桂花樹，價數較好。所以，阿爸摻該桂花照顧到緊來緊高柳，身材緊來緊靚，葉仔緊來緊榮，到佢讀國中个時節，想拈花蕊該下還愛躡腳尾呢！

坐在花樹下，引起佢个注意，該樹葉節項暴出手指尾尖个花蕊，桂花散出悠焉悠焉淡淡个蜂糖味。桂花會恁得人惜，實在該係因為桂花个蜂糖香味，雖然淡淡，毋過香味盡遠，又耐香；該係因為桂花卵黃色，雖然淡淡，毋過像黃皮膚樣盡靚，又耐睭！

這頭桂花樹受著特別个款待，阿爸愛佢摻樹頭个四圍清淨來，係無歿忒个樹葉會害樹頭生菌，燥忒个樹極愛鋸忒正靚，樹

影下有綻出來个樹秧愛徙走，無身分个雜草就愛擲淨來，儘採濫糝毋得。等到清淨咧，愛用細个紅紙，摻該桂花樹圈到紅紅，還愛貼上五福紙，在年三十開始逐日晨早暗晡愛上香，年尾拜到年初。

佢知佢个花期短短仔定定，好桂花个「色」、「香」係一種精神上个安慰，係時間在該流轉漸漸褪色後，正發現个靚！係佢淡淡个香味毋摻玉蘭花、七里香爭排名；細細圓圓个花型黃黃白白，佢毋摻牡丹花、燈籠花爭大細；簡單到七無像蘭花身項有錦霞樣个線條。阿爸認為，該桂花係最得人尊敬个君子。

親像宋朝李清照在詩裡背有形容淡黃色个桂花，暗淡輕黃、體性溫潤，色淡香濃，在讀書人心目中係百花中个第一流。君子立身處事在安於幽靜，毋惹人注意，淨留香味在天地。毋需要像大花紅碧艷麗，惹來蜂蝶損身傷性。

佢也信神，逐晨早、暗晡愛上香。打早跣起，係拈一盤桂花來拜灶君爺；臨暗時節，係摻該盤桂花提來炙茶，泡出个桂花味鼻起來最溫和，花茶色清淡，食著順喉。恁樣珍等阿爸虔誠用桂花請神拜灶君爺，一直拜到阿爸百年歸壽過後。

這頭桂花樹嘍因為道路拓寬，分粗暴个怪手摻無知識个工人，少一份耐心毋肯先來斷根，少一份軟心毋肯真心相惜，無想該花榮青蔭、薄皮幼肉个桂花，仰有能力抗議投講佢个傷疾？硬硬分該怪手摻佢強制挖開，所以無法度返生嘍來燥忒，正式當打爽！莫怪花樹會恁疾，傷心到死。

¹ 壁澄：音 biag` den；形容如牆壁般直立著。

² 腳囊肚：音 giog` nang du`；小腿後方多肉的部位。

³ 大箍：音 tai` kieu`；形容人身材肥胖、脂肪多的樣子。

【答識】賴維凱原作

本成愛回收个大紙絡仔，嘎睺著裡背還搭咧一細垵月餅。算來這歲數比佢還較後生个同事，當知得麼个安到「答識¹」，心肝頭湧等起燒暖个熱流。還細該下，阿姆見擺擺等燒爌爌个鉢仔分阿公、阿嬤²，等下到咄³過去收个時節，鉢仔裡背總係重鈦鈦，毋係進口个糖仔就係餅，毋係江瑤珠⁴就係福神漬，逐擺都無麼个共樣。佢見睺著鉢仔一轉啊來，就會想打開來睺，毋過，係手一伸啊出去，定著就會有著頭嫵抹啊過來，所以，都會乖乖等阿姆抹這抹該⁵過後，正踅等阿姆打開來睺裡背有麼个？鉢仔逐擺毋係分阿公搓到極淨⁶，就係分阿嬤粹到燥燥⁷，裡背就係為著愛放兜等路。

「答識」，毋單淨係「答識」！從細到大，係「浸」到這裡背个生活，正會體會出來。毋過，這裡背个人情世故、微毛末節，無準則、也寫毋出來，也係佢等這世代个後生仔，仰般都無法度「答」出來个……。

¹ 答識：音 dab`shid`；本指舊識有紅白喜事，彼此包禮回謝，在此特指彼此禮尚往來的酬答。

² 阿嬤：音 a`ma`；祖母，另有人稱呼為「阿婆」。

³ 咄：音 ang`；再。

⁴ 江瑤珠：音 gong`rhiau zhu`；干貝。

⁵ 抹這抹該：音 mi li`mi gai；忙於擦拭。

⁶ 極淨：音 gid ciang`；極為乾淨。

⁷ 燥燥：音 zau`zau`；非常乾燥。原文為「冇燥」，音 pang`zau`。

晨早時，阿姆去睺過「文光哥」後，目紅鼻茫，摻佢講佢毋識睺過个阿伯仰般衰過，因為⁸著著糖尿病，這下又目瞎咧。佢心肚緊想，這阿伯到底係哪儕？下後正知「文光哥」係大舅姆在臺灣該下，一等照顧佢个好朋友。佢心肚想：這摻阿姆有麼个關係？也無聽過大舅姆有特別交代，喊阿姆去摻佢睺這個朋友，算起來係無麼个熟事个人。暗晡頭，阿姆一頭拗等重鈦鈦个營養品摻頂項寫等葡萄牙文个箱仔，一頭監佢摻佢抄一下巴西个地址，佢愛寫信分大舅姆。

阿爸對外背正轉啊來，就分阿姆吩咐去買寄航空个信絡仔，佢一聽啊著就在門口嘍嘍嘍嘍：「又毋早啊講，今嘎起風咧，又落恁粗个雨，愛喊佢仰般買？」阿爸平常時就當會摻阿姆「應嘴擘鼻」。「毋會著水衣啊？哪儕會知你頭先去哪啊？喊你買就去買！還恁多麼个好講呢？」照阿爸平常時个個性，佢揣佢聽著恁樣个話，絕對佇毋著⁹，無想著佢就無再過應，雨衣一著，奧多拜騎啊著就去買咧！

大舅姆自阿姆著著癌症過後，輒輒，就緊寄營養品來，就算大舅過身恁多年咧，也共樣定期寄來，無一擺摻阿姆算過錢。啊！「文光哥——大舅姆——阿姆——文光哥」，佢做一下想通咧！毋使揣也知信裡背會寫麼个咧！毋使問也知阿姆做麼个會去睺文光哥咧！信絡仔項，佢定定仔寫，寫毋著，扯忒，過寫！寫毋靚，扯忒，過寫！

⁸ 因為：音 rhin`vui`；因為。

⁹ 佇毋著：音 du`m diau；指嚙不下這口氣。

【畜蜂個人】李秉璋原作

「來哦！來買蜂糖¹！來買蜂糖哦！蜂糖無純，剝頭²！」這係一個當舊當久个笑話。剝頭，毋係剝生理人个頭，係剝蜂个頭。這雖然分人感覺好笑，毋過就係講想愛買著百分之百純蜂糖無恁簡單，市場肚有當多假个蜂糖，有用果糖去敵³，有用糖飼蜂⁴，當多齣數⁵。這就係講蜂糖係當寶貴也係當貴个東西。尤其係這幾下年來蜂仔當大陣个死忒，害蜂糖个價數愈來愈高，毋過畜蜂个人也當愁蜂若係死恁多，佢兜也會無蜂糖好收。

畜蜂个人就像「游牧民族」，一年透天愛滿哪位走。花在哪位，佢人就在哪位。冬尾个油菜花田，三、四月个荔枝花開，續下來換牛眼花開，佢兜全愛躡花在該徙，哪位有花，佢兜就躡去哪位，愛上山也愛落平洋。攔鴨个人攔幾下千隻鴨，毋過畜蜂个人手頭係幾下十萬隻，幾下百萬隻个蜂。手扼百萬軍以外，還愛有分蜂叨个心理準備。

畜蜂人係一代接過一代，在阿姆个屎肚裡肚就躡等阿姆在畜蜂。荔枝花膠牛眼花開个時節，就係最無閒个時節，愛日合夜做事，膠蜂糖收起來，一箱過一箱掀開，膠蜂兜提出來打蜂糖⁶，三

百箱个蜂箱做得收五、六鐵桶个蜂糖，一桶差毋多有五百斤，毋過一年淨望嘛係望這時。歸屋下个人做一下全懸來搵做。世大人這時就會講：「做事手腳愛好，手腳若係呆呆⁷就做無食。」收好个蜂糖膠傢伙頭也愛收起來囤。所以愛特別起一間倉庫來囤，分蜂糖有一個好所在。

寒天時，蜂無東西好食，這時節就愛用花粉抑係糖提來供蜂。供蜂个時節，頭戴套網个笠婆⁸，著長衫、長褲、靴筒。到供蜂所在，先膠樵入落薰罐⁹，起火了後，手戴手袋¹⁰提等薰罐掀開蜂箱蓋，手掀¹¹薰罐，用薰罐个薰逐蜂。再過膠內肚一坭一坭个蜂竇提出來檢查，睭有蜂王無，係忒多就愛膠最強个留下來，最驚就係連蜂王全死忒，這箱蜂仔就毋食東西，做一下無效忒。蜂箱肚蓋仔係有結蜂蠟，就愛膠佢鏟起來，膠蜂箱整理整理，分蜂仔有一隻舒適个竇。鏟起來个蜂蠟，做得提來食，食起來像樹乳糖¹²。有時節蜂箱裡肚个蜂忒少，還會有蟻仔來食糖膠蜂蟲，有時還有人會來偷提蜂箱，這兜全係畜蜂人最掛心个。顧蜂就像顧自家个細子，驚佢寒、驚佢無食个、驚佢病、驚佢分蟻仔欺負、驚佢分人偷。直直愁到明年春天，該香香甜甜个蜂糖就係對畜蜂人最好个等路。

¹ 蜂糖：音 pungˋ tong；蜂蜜。

² 剝頭：音 dog teu；砍頭。

³ 敵：音 teuˊ；摻雜、沖泡稀釋。

⁴ 飼蜂：音 ciˊ pungˋ；餵食蜜蜂。

⁵ 齣數：音 chudˋ siiˋ；花樣、方法、手段。

⁶ 打蜂糖：音 daˋ pungˋ tong；將蜂巢片放入採蜜機中採集蜂蜜。

⁷ 呆呆：音 ngoi ngoi；做事笨拙。

⁸ 套網个笠婆：音 toˋ miongˋ gaiˋ libˋ po；用細孔密網從斗笠上頭直套下來至上半身，保護頭、臉、脖子等不被蜜蜂叮。也有人製作整件的防蜂衣。

⁹ 薰罐：音 funˋ guanˋ；噴煙器，用來驅趕蜜蜂，避免蜜蜂叮咬以方便工作。

¹⁰ 手袋：音 shiuˋ toiˋ；手套。

¹¹ 掀：音 kimˊ；壓，指用手壓煙罐的風鼓使噴煙。

¹² 樹乳糖：音 shuˋ nenˋ tong；口香糖。

108 年全國語文競賽客家語朗讀文章教師組（饒平腔）

編號 12 號

【漕垃圾】林伯殷原作

逐日臨暗仔六點零，除忒清潔隊放寮日以外，偲个隔壁鄰舍就會攞等大包細包个垃圾行出來，企在大路脣等垃圾車，等到車隊駛兼咧，大家就熟手个摻垃圾漕入行頭前个垃圾車，再過轉身摻壞銅壞鐵交分座後个資源回收車，雖然，大家對漕垃圾早就非常熟絡，毋過，三不五時還係會睺著有人抄等垃圾在大路逐垃圾車，該時，實在毋知係愛笑、抑係愛嘍，總講，大家一日過一日漕垃圾、清潔隊一日過一日收垃圾，臨暗時節愛漕垃圾早就變成大家生活个一部分咧！

漕垃圾摻用水、電、瓦斯當相像，係重要个公共事務，順順个時節，人毋多知，係停忒幾日，該事情就大條咧！像頭擺有兜所在个垃圾無地方好漕，清運發生問題，滿哪位垃圾囤囤摻，黏時就變成當地个重大事件，就算地方首長舂上跌落暫時來解決，過幾年又乜可能再過發生，垃圾問題強強變成地方發展个陰影。還有，人个天性就係人人會生產垃圾，同時，儕儕又無愛垃圾，該垃圾愛漕去哪位？早先，各地大體係尋較偏僻个位所來埋垃圾，過後，埋个地方緊來緊難尋，又合垃圾緊來緊多，各地就起

焚化爐來燒垃圾，垃圾燒過後，量少忒異多，毋過，空氣污染、爐灰清運等其它問題又跔等來，講實在，處理垃圾無恁該食，就算現下个技術比頭擺進步盡多，還係難做到十全十美，其實，還係愛大家發揮公德心，共下來少漕兜垃圾正係最好个解決辦法。

愛仰般正做得少漕兜垃圾呢？基本上，愛做到省用摻資源回收兩項。省用就係少用兜、毋好打爽，摻客家人「省儉」个精神共樣，該用个正用，該省个就省，比論講，出門自家帶茶、帶碗箸，買東西自家帶袋仔，省用兜，垃圾自然就會跔等少咧！續等就係愛做好垃圾分類、資源回收，做回收就係「惜物」，毋好折福个意思，將紙、鐵、塑膠、玻璃等等做得再過利用个東西收起來，送轉工廠重新變做原料，垃圾經過回收後，定著會減忒盡多。

處理垃圾毋單淨係政府个責任定定，乜愛儕儕共下用心來配合。好得，臺灣有盡多民間團體當煞猛在該搵手宣傳垃圾減量摻做資源回收，恁多年下來，關心垃圾問題个人也緊來緊多，總愛大家有心來少漕兜垃圾，相信偲俚个環境就有機會越變越好。